



Projekt

**REPUBLIKA E SHQIPËRISË
KOMISIONI QENDROR I ZGJEDHJEVE**

V E N D I M

PËR DHËNIEN E MANDATIT TË DEPUTETIT TË KUVENDIT TË SHQIPËRISË, KANDIDATIT TË LISTËS SHUMEMËRORE TË PARTISË LËVIZJA SOCIALISTE PËR INTEGRIM, QARKU BERAT, PËR PLOTËSIMIN E VAKANCËS SË NJOFTUAR NGA KUVENDI I SHQIPËRISË

Komisioni Qendror i Zgjedhjeve në mbledhjen e datës __.04.2019, me pjesëmarrjen e:

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare

Shqyrtoi çështjen me

Objekt: Për dhënien e mandatit të deputetit të Kuvendit të Shqipërisë, kandidatit të listës shumemërore të Partisë Lëvizja Socialiste për Integrim, Qarku Berat, për plotësimin e vakancës së njoftuar nga Kuvendi i Shqipërisë, pas dorëheqjes nga mandati i deputetit, të znj. Silva Maksim Caka.

Kërkues: Kuvendi i Republikës së Shqipërisë.

Baza Ligjore: Neni 23, pika 1, germa "a", neni 164 pika 2, i ligjit nr. 10019, datë 29.12.2008 "Kodi Zgjedhor i Republikës së Shqipërisë" i ndryshuar.

Komisioni Qendror i Zgjedhjeve pasi shqyrtoi dokumentacionin e paraqitur dhe dëgjoi diskutimet e përfaqësuesve të partive politike,

VËREN

Nëpërmjet shkresës nr. 792/1 prot., datë 25.02.2019, drejtuar Komisionit Qendror të Zgjedhjeve, Sekretari i Përgjithshëm i Kuvendit z. Genci Gjonçaj, njofton krijimin e vakancave në Kuvendin e Shqipërisë, për shkak të përfundimit të parakohshëm të mandateve të deputetëve të zonës zgjedhore të subjektit politik Partia Lëvizja Socialiste për Integrim, Qarku Berat.

Neni 164, i Kodit Zgjedhor përcakton se në rast të ndërprerjes së mandatit të deputetit, Kuvendi njofton Komisionin Qendror të Zgjedhjeve, për krijimin e vakancës në Kuvendin e Shqipërisë dhe Komisioni Qendror i Zgjedhjeve merr vendim për dhënien e mandatit, kandidatit të radhës në listën shumemërore, të së njëjtës parti politike në zonën zgjedhore përkatëse, regjistruar sipas nenit 67 të Kodit Zgjedhor.



Nr. __ i Vendimit Data __.04.2019 e Vendimit Ora __:00 e Vendimit

Për dhënien e mandatit të deputetit të Kuvendit kandidatit të radhës të listës shumemërore të Partisë Lëvizja Socialiste për Integrim, Qarku Berat, për plotësimin e vakancës së njoftuar nga Kuvendi i Shqipërisë

Komisioni Qendror i Zgjedhjeve me vendimin nr. 555, datë 26.07.2017, shpalli rezultatin përfundimtar të zgjedhjeve për Kuvendin e Shqipërisë datë 25.06.2017, si dhe miratoi listën emërore të deputetëve të zgjedhur për çdo subjekt për çdo zonë zgjedhore. Sipas vendimit të sipërcituar Partia Lëvizja Socialiste për Integrim, për zonën zgjedhore Qarku Berat, për zgjedhjet për Kuvendin e Shqipërisë të datës 25 Qershor 2017, ka fituar 02 (dy) mandate dhe kandidatët fitues nga lista shumemërore e Partisë Lëvizja Socialiste për Integrim, Qarku Berat, janë numri rendor 01 (një) z. Nasip Qani Naço dhe numri rendor 02 (dy) z. Gledjon Tomorr Rehovica.

Pas njoftimit nga Kuvendi për krijimin e vakancës për shkak të përfundimit të parakohshëm të mandatit të deputetit të Kuvendit të Shqipërisë të z. Gledjon Tomorr Rehovica, deputet i zonës zgjedhore Qarku Berat, Komisioni Qendror i Zgjedhjeve me vendimin nr. 06, datë 15.01.2018 i ka dhënë mandatin e deputetit të Kuvendit të Republikës së Shqipërisë znj. Silva Maksim Caka.

KQZ, pas njoftimit nga Kuvendi për krijimin e vakancave me shkresën nr. 792/1 datë 25.02.2019, për shkak të heqjes dorë nga mandatet e deputetëve të Kuvendit të Shqipërisë, të subjektit politik Partia Lëvizja Socialiste për Integrim, Qarku Berat, i ka kërkuar kandidatëve vijues të listës shumemërore me numër rendor 04 (katër), 08 (tetë), dorëzimin e formularit të vetëdeklarimit në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike". Komisioni Qendror i Zgjedhjeve me vendimet nr. 93, datë 27.03.2019 dhe vendimi nr. 82, datë 20.03.2019 ka vendosur, të shpallë moszgjedhshmërinë si deputet në Kuvendin e Shqipërisë të kandidatëve të radhës në listën shumemërore të Partisë Lëvizja Socialiste për Integrim, si rezultat i mosdorëzimit të formularit të vetëdeklarimit brenda afatit ligjor.

Në bazë të nenit 175, pika 2, të Kodit Zgjedhor kandidatët vijues nga gjinia më pak e përfaqësuar e listës shumemërore e Partisë Lëvizja Socialiste për Integrim, për zgjedhjet për Kuvendin e Shqipërisë të vitit 2017, Qarku Berat, kanë shteruar. Në bazë të nenit 164, pika 2, e Kodit Zgjedhor, KQZ i ka kërkuar kandidatëve vijues të listës shumemërore me numër rendor 05 (pesë), 06 (gjashtë), dorëzimin e formularit të vetëdeklarimit në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike". Komisioni Qendror i Zgjedhjeve me vendimin nr. 167, dt. 16.04.2019, ka vendosur të shpallë moszgjedhshmërinë si deputet në Kuvendin e Shqipërisë të kandidatit të radhës në listën shumemërore të Partisë Lëvizja Socialiste për Integrim, si rezultat i mosdorëzimit të formularit të vetëdeklarimit brenda afatit ligjor.

Komisioni Qendror i Zgjedhjeve me vendimin nr. 180 date 18.04.2019, ka vendosur dhënien e mandatit kandidatit të listës shumemërore z. Eugen Dhimo Bojaxhiu për zëvendësimin e vakancës së krijuar nga dorëheqja e z. Nasip Qani Naço.

Në bazë të nenit 164, pika 2, e Kodit Zgjedhor, fjalia e fundit, kandidati vijues të cilit i kalon mandati i deputetit, është kandidati për Deputet me numër rendor 07 (shtatë), z. Klajdi Selim Qama.

Referuar nenit 11, të ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike", vetëdeklarimi dhe verifikimi i kushteve të të dhënave në përputhje me këtë ligj, kryhet për çdo kandidat të listës shumemërore për zgjedhjet pararendëse, për Kuvendin e Shqipërisë, të cilit i takon të marrë mandatin e deputetit për vendin vakant, sipas Kodit Zgjedhor.

Me shkresën nr. 2415 prot, datë 17.04.2019, z. Klajdi Selim Qama, është njoftuar për dorëzimin e formularit të vetëdeklarimit sipas kërkesave të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike".



Nr. ____ i Vendimit Data __.04.2019 e Vendimit Ora __:00 e Vendimit

Për dhënien e mandatit të deputetit të Kuvendit kandidatit të radhës të listës shumemërore të Partisë Lëvizja Socialiste për Integrim, Qarku Berat, për plotësimin e vakancës së njoftuar nga Kuvendi i Shqipërisë

Z. Klajdi Selim Qama, referuar ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", ka depozituar në Komisionin Qendror të Zgjedhjeve më datë 23.04.2019, formularin e vetëdeklarimit me numër unik 2140, duke pranuar propozimin e organit për vazhdimin e procedurave për marrjen e mandatit.

Nga verifikimi i të dhënave në formularin e vetëdeklarimit, të z. Klajdi Selim Qama, rezulton se: ka deklaruar një dënim penal, dhe nuk ka deklaruar asnjë masë sigurimi personal, urdhër kërkimi ndërkombëtar, dëbime.

Subjekti ka deklaruar këto ndryshime në gjenealitetet e mëparshme:

- Datëlindja e subjektit deklarues është "02.06.1988", por është shënuar "13.06.1988" në të gjitha dokumentat zyrtare.
- Vendlindja është shënuar gabimisht "Policen" nga ZGJC.

Nga verifikimi i të dhënave në formularin e vetëdeklarimit të z. Klajdi Selim Qama, rezulton se, në seksionin III "Të dhëna mbi gjendjen gjyqësore të personit", në pikën nr. 1 "A jeni dënuar ndonjëherë me vendim të formës së prerë nga një autoritet gjyqësor shqiptar ose i huaj", i është përgjigjur "Po" dhe ka deklaruar duke specifikuar se:

- Është dënuar me vendim të formës së prerë nga Gjykata e Rrethit Gjyqësor Berat, me vendimin nr.70, datë 24.03.2010, me masë të dënimit 80 000 (tetëdhjetë mijë) lekë, për kryerjen e kundravajtjes penale "Kanosje", parashikuar nga neni 84 i Kodit Penal të Republikës së Shqipërisë.

Nga verifikimi i të dhënave në formularin e vetëdeklarimit të z. Klajdi Selim Qama, rezulton se, në seksionin III "Të dhëna mbi gjendjen gjyqësore të personit", në pikën nr. 4 "A keni qenë ndonjëherë i ndaluar apo arrestuar nga organet ligjzbatuese, për kryerjen e një vepre penale", i është përgjigjur "Po" duke dhënë informacionin si vijon:

- Vendimi Nr.70 Datë 24.03.2010 i Gjykatës së Rrethit Gjyqësor Berat, për veprën penale parashikuar nga neni 84 i Kodit Penal, dënuar me gjobë 80 000 (tetëdhjetë mijë) lekë.

Në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike" dhe kreut V, pika 2, germa "b", dhe pikës 3, germa "c", të vendimit të Kuvendit nr. 17/2016 "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015", Komisioni Qendror i Zgjedhjeve, me shkresën nr. 2503 prot., datë 23.04.2019, ka kërkuar informacion nga zyra e gjendjes civile dhe me shkresën nr. 2504 prot., datë 23.04.2019, ka kërkuar informacion nga zyra e gjendjes gjyqësore, për kandidatin për Deputet, Qarku Berat, për Kuvendin e Shqipërisë, z. Klajdi Selim Qama.

KQZ, gjithashtu ka bërë publikimin e formularit të vetëdeklarimit në faqen zyrtare të internetit.

Me shkresën nr. v-1229/1 prot., datë 24.04.2019, zyra e gjendjes gjyqësore ka dërguar në Komisionin Qendror të Zgjedhjeve, verifikimin e gjendjes gjyqësore për kandidatin për Deputet, Qarku Berat, për Kuvendin e Shqipërisë, z. Klajdi Selim Qama, sipas të cilës rezulton i rehabilituar. Sipas këtij vërtetimi z. Klajdi Selim Qama, është dënuar në bazë të vendimit nr. 70, dt. 24.03.2010, nga Gjykata e Rrethit Berat, për veprën penale të "Kanosjes" parashikuar nga neni 84 i Kodit Penal dhe dënimin e tij me 120.000 (njëqind e njëzet mijë lekë) gjobë. Në aplikim të nenit 406 i K.Pr. Penale është dënuar përfundimisht me 80.000 (tetëdhjetë mijë) lekë gjobë.



Nr. __ i Vendimit

Data __.04.2019 e Vendimit

Ora __:00 e Vendimit

Për dhënien e mandatit të deputetit të Kuvendit kandidatit të radhës të listës shumëmemërore të Partisë Lëvizja Socialiste për Integrim, Qarku Berat, për plotësimin e vakancës së njoftuar nga Kuvendi i Shqipërisë

Drejtoria e Përgjithshme e Gjendjes Civile nuk i ka kthyer ende përgjigje kërkesës tonë.

Nga verifikimi i dokumentacionit (të dhënave në formularin e vetëdeklarimit dhe vërtetimit të gjendjes gjyqësore) sipas nenit 2, dhe nenit 4, të ligjit 138/2015 "Për garantimin e integritetit të personave që zgjidhen, emërohen ose ushtrojnë funksione publike", rrethanat e paraqitura nga z. Klajdi Selim Qama nuk përfshihen në kushtet e ndalimeve për kandidim dhe për t'u zgjedhur në funksionin e deputetit.

Për sa më sipër, mandati i ndërprerë i përket kandidatit të radhës të listës shumemërore e Partisë Lëvizja Socialiste për Integrim, në zonën zgjedhore Qarku Berat, i renditur me numër rendor 07 (shtatë), z. Klajdi Selim Qama.

PËR KËTO ARSYE:

Komisioni Qendror i Zgjedhjeve, mbështetur në nenin 23, pika 1, germa "a", neni 164 pika 2, të ligjit nr. 10019, datë 29.12.2008 "Kodi Zgjedhor i Republikës së Shqipërisë" i ndryshuar,

VENDOSI:

- 1-** T'i japë mandatin e deputetit të Kuvendit të Republikës së Shqipërisë, kandidatit të radhës në listën shumemërore të Partisë Lëvizja Socialiste për Integrim, Qarku Berat, z. Klajdi Selim Qama.
- 2-** Ky vendim hyn në fuqi menjëherë dhe botohet në Fletoren Zyrtare.
- 3-** Kundër këtij vendimi mund të bëhet ankim në Kolegjin Zgjedhor, pranë Gjykatës së Apelit Tiranë, brenda 5 (pesë) ditëve nga shpallja e këtij vendimi.

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare



Nr. ____ i Vendimit Data __.04.2019 e Vendimit Ora __:00 e Vendimit

Për dhënien e mandatit të deputetit të Kuvendit kandidatit të radhës të listës shumemërore të Partisë Lëvizja Socialiste për Integrim, Qarku Berat, për plotësimin e vakancës së njoftuar nga Kuvendi i Shqipërisë